

永樂大典

卷一萬三千四百

九十八

永樂大典卷之一萬三千四百九十八 二真

制

除官制

宋劉攽彭城集皇叔右武衛大將軍環州刺史叔滕可選
郡團練使皇叔右千牛衛將軍仲蕃可授大將軍制 初
百官奉事由功實以為資級公族論恩在其次則當選叙此朝廷治內外
之法本忠厚之意也具官叔滕天潢之別漸清德潤麟趾之世信厚有取
俗官環衛兼刺名郡既積年勞宜加爵秩假雖稱於團結資威望於使領
勉服光寵益勸名節仲蕃備官環衛責視命卿既積年勞宜加爵秩不務
幕府之號姑假元帥之寵勉服休命益勸名節可 皇叔右監門衛大將
軍滁州團練使仲歆可選郡防禦使皇叔右監門率府率仲瑛可右千牛
衛將軍制 初具官某等公族之恩戚疎有叙存著賞延之典茂隆郵
之義以乃父遺顧而有言矜諸子親露而為請並從加秩以尉象下分駒
過隙既就外除維非踈榮榮推新命咸思恪慎以報義方可 皇叔右監
門衛大將軍仲的 可右武衛大將軍送郡刺史皇叔太子右監門率府率

永樂大典卷之一萬三千四百九十八

仲歲可小將軍制 初具官某等朕曠嗣昌業車慶列位小大之臣莫不
受賜矧其屬在公族可使復於庶姓而爾等皆以親憂帝俟成命既給遠
禮宜中前寵或進躋武衛而領郡符或升列環尹初備幕府朕服異數益
修善行可 皇叔右武衛大將軍素州刺史仲遠可選郡團練使皇叔右
監門衛大將軍叔羅可選郡刺史制 初具官某等吾以材能賦濟而宗
室以戚屬處位吾以功事課吏而公族以年勞計最治親之禮異於外朝
所以崇博敘之典厚而勿薄雖然宗子之能畏慎無過其亦有信厚之風
蒙被寵數不為濫矣仲遠備位環尹外領州符稍加團結之名以示遷擢
之次叔羅備位環尹既開幕府稍假左符之重以示專城之責祗服休命
毋忘恪居可 蔡端明集皇親大將軍送郡制 初昔我祖宗聖神以有天
下付畀於子惟是孝誠以克保又親執蓬蓬見于郊廟宗藉群辟莫不齊
明以奉祠事庶幾敦於善行成於美化况慶養之行于何啻焉其官某天
資信厚濟以學術肅雍助祭率隸禮度勳階并賦用觀親賢汝其念之無
懈夙夜韓維南陽集皇兄右屯衛大將軍克倫可依前右屯衛大將軍
照州刺史制 初朕承祖宗之憲厚骨肉之親命官而不責以事所以全
愛也計考而叙進其秩所以示寵也其官某某是慶善提然秀穎幼服仁

永樂大典

卷二三四九八

義之訓遂為全人入循孝悌之規靡有過事宜即衛軍之領進兼判部之
禁當體渥恩益勤今德可鄰郡漢集皇元仲銳等服闋可舊官判 創
鉅者其日久痛甚者其愈遂續衣直杖履苦于壘室豈將故為無窮之哀
乎文與情稱再期而後釋此人道之至隆也爾公族之秀執喪得禮祥祭
既徹方委佩而登朝宜中嘉詔俾服舊次勉圖今名以盡顯親之美可
皇弟右監門衛大將軍克頤可遂郡刺史制 王者之於宗族尚恩而不
責義所以睦其本根廣天下以愛也其官某生于王家有此爵號向以微
累又能自脩其賜以部刺史之秩往哉祇踐水服我光寵可宋文鑑除皇
弟德武成軍節度使祁國公制 朕奉承燕謀復紹大統永懷先烈曷勝
哀疚之情眷顧同生宜厚褒封之典乎我明命揚于治廷皇弟德武獲得
於自然溫文見於異秉扶天材之美質應帝武之嘉祥未臨射天之辰遽
起號弓之恭踰年於此錫壤惟時矧周人尚親尤重本支之務漢廷左戚
亦隆祿祿之封規裁半楚之禮載徹濱河之域直茅制社授鉞殿邦用建
上公尹茲北國策勳加等衍邑實租於戲西望裕陵敢忘幼子之愛東朝
長信進預諸孫之遊往服恩輝益延壽祉胡文恭公集皇姓宗懿可端州
刺史皇姓宗述可右屯衛大將軍制 初國家承軒祖之詒謀法陶唐之

永樂大典卷二三四九八

二

敦族封爵同姓體貌大宗道在維寧恩宜加映其官某孝恭履德信厚或
風具官某性茂溫文體資英爽並稟玉林之粹志含銀派之和胥被寵章
參居環衛奉朝惟恪居邨有闕朕濟百世之遙源謹九宗之屬籍惟時賢
亮司我本支宜時營職之勞遞遷冢子之秩特升藩刺對總嚴除宜惟旌
是似之美才蓋以褒乃親之有德惟欽權欽勿替踐脩 皇姓宗樸可貴
州刺史皇姓宗藝可左領衛大將軍制 初分建宗屏參睦本支環設衛
官拱扈宸極號為要職舉屬茂親以爾宗樸迥稟靈華居然信厚以爾宗
藝夙成體哲樂善為猷並茲絲帙之昌咸睦大宗之訓師言是率禮範攸
循屬敦敦以崇風宜褒嘉而進秩列城遠刺大將超遷且先闡寄之維兼
衛嚴除之重宜懋遵於法度用對越於寵休許景衛橫塘集越王德第八
男乞持賜名可除右驍衛將軍制 朕惟祖宗明帝克之俊德以親睦九
族積周家之忠厚而本支百世慶流王郎克生多男肇頒爵命以為爾寵
蓋有國之常典非近屬之私恩矧吾父見謂大雅之不群宜爾諸子咸
知為善之最樂往服訓辭永綏福履可 越王德第十二女可宗樞制
初春吾叔父為時賢王席餘慶於祖宗盛鍾愛於閭閻爰稽邦典載錫恩
章爾性稟靜專習知淑慎服姆師之訓見於夙成閱圖史之規庶幾克踐

益崇懿德允協令名尚體眷懷永綏社祿可蘇魏公集皇太后殿樊氏可
 典賓馮氏可典贊吳氏可掌籍楊氏可掌記制 勅周官女史掌內官內
 令之法則今兩宮給事之職是矣闕歲既久增秩其宜皇太后殿具官某
 氏言德有間間和自飭早陞宮掖祇奉母儀嘉其精勤推以優渥俾進司
 於典掌宜益務於欽承可 太皇太后殿典言吳氏可司設典言杜氏可
 司正吳氏可典贊李氏可典記花氏可典珍張氏可典綵劉氏可典正王
 氏可典計董氏可典設制 勅官省有秩典司各殊州長信之置官事掖
 庭而寢文宜頌渥命用獎能勤太皇太后殿具官某氏性稟閑和體資柔
 婉自入承於嬪御嘉存歷於歲華遊陞婦式之班俾重慈闈之侍往膺恩
 渙無怠祇欽可鄒道卿先主集官人朱氏可掌珍制 官官由掌而上始
 預品秩所以謹名分而嚴勸獎也惟時實貨之事尤資貨物之勤審求其
 人肆以命爾往其祇敬以稱恩榮蘇夏文莊公集甘州外甥細奴可汗王
 夜落隔可持進懷寧順化可汗王制 勅王者孝治萬方蓋重展親之典
 恩加群后務昭崇德之規矧在吾甥久綏遠略特舉褒優之命用伸眷倚
 之懷具官某茂烈傳家英威服眾智慮深遠詳練於武經志慎直方克敦
 於自節而自撫臨西夏屏翰中原允彰保塞之勲特茂勤王之業仍遠脩

永樂大典卷三十四百九十八

三

於職貢是愈見於忠誠寔簡朕心特隆朝獎進獲功之懿號無駁貴之榮
 階夙越等威用旌忠毅意山河誓寵朕務在於推恩金石盟心爾無忘於
 報國終始一志以保令名可 工部郎中張士遜可戶部郎中直昭文館
 光壽春郡王府官制 勅朕以愛子膺封建之禮慎選端士以輔導之俾
 其居處出入之際聞忠孝方正之言故朕久思其人未易輕受自非有重
 孰副東求以爾具官張某資性淑均理尚清簡糾彈憲府漕輓外臺端懿
 之風碩茂斯允以爾具官崔某業文甚雅守道不迴引籍諫垣勵精史局
 老成之德慰薦良多是用簡自朕心命之王府第進左民之秩或兼上館
 之榮爾其祇荷寵章協宣懿效規諷禮誼以臻于道予有望於汝也某可
 劉汝彭城集右監門衛大將軍士出士蒲令括指之士編可並送郡刺史
 右千牛衛將軍仲謹可右監門衛大將軍制 勅具官某等詩云振振公
 族夫能學問以知古文采以見志則可謂有信厚之風習為善之樂矣爾
 等咸以經術待試有司銓能程藝率有可取嘉其志齊梁之佚安儒素之
 業宜有甄賞以示旌別進秩加等是謂休寵益勵操守毋怠初心可胡文
 恭公集霍保安可樞密承旨南班賈德明可樞密承旨南班小將軍制
 勅具官某等夫樞宥惟重實總於裁徵音旨所承允資於焉慎以爾保

安封敏而濟以爾德明性謹且和並隸幾廷豫聞家政蹈歲規而無忽習
事典而有餘歲勞自陳所養來上差進右曹之掌兼增武弁之榮用贊恪
恭益思敦勉徐鉉騎省集保定郡公景迪可朝散大夫檢校左僕射賜紫
制初朕歷選列辟見其性親名器之難必當慎簡信不可私於其屬也
故我疏寵務先推公保定郡公景迪靜惟端方動必孝敬佩服師友之訓成
信厚之風宗室之間問望尤著為我嗣服之始叶于立慶之恩爾其率循
令猷惠迪前烈勿驕勿惰以永乃成王黃州小畜集授翰林學士承旨可
依前工部尚書平章事制門下天選無為運五行而亨品物聖人有作
設四輔以恭蒸民方隆大寶之基宜擇其備之位其有老于文學世事練
繪貢昌言于顧問之間變古道于典謨之際宜從榮范擢在台司庶符命
說之篇式展致光之術其官某尼丘孕質昂宿垂精驥有德而可稱鳳非
時而不下爰自優游丹禁輝映皇家驅三代之文章雲蒸筆下慎一人之
禁塞羈立朝端諫改微以上書請登封而作頌步鼈頭而且大履舞樹以
攸宜未離喉舌之資更受腹心之寄沙澁金印剗光東閣之榮鈴索花磚
罷赴北門之召極人臣之位資王佐之才勉思啓沃之謀勿忝崇高之位
於戲于為元首汝乃股肱推公共以為心弗私名器事稱諧之茂業用又

永樂查卷三萬三千四百九十六

四

邦家誠之易之期太平之可致也可依前件授御史大夫可司徒門下
侍郎平章事制門下坐霜臺而司憲振肅王綱踐黃閣以持衡緝熙帝
載恭惟重柄允屬純臣其有首冠鸞行位崇烏府弄印之名已著和羹之
命爰行具官某克敬神羊舜庭威鳳五色樂補天之石四方觀測景之圭
儼威容而青女司霜薦祥瑞而黃人守日爰自位尊亞相道切致君挺屈
軼以當軒雖能指佞賊餘耀而在岸宜命濟川趙光已振於威棧那吉竹
觀於調羹式擢三台之位仍加五教之資固敢汝私益從師錫於戲君之
命相唯過失是求相之愛君惟公忠是舉勿涕人欲勿依于違躋富壽而
和陰陽實有望于汝也往欽哉可依前件鄭獬鄧渙集知西山保州董允
仲可檢校戶部尚書制朕之初踐祚德澤浸於無垠東漸乎日域西浹
乎月窟罔有不及而况蜀土之徽靡我爵號歲奉琛寶而來庭者哉具官
某以才武之雄投節西土綏撫族類不渝不震胥附而面內適茲大養思
被寵光將誇美于有衆朕甚嘉之夫賞蓋金而賜龜綬蓋做古馬宜用建
杖以榮我之休命可王圭公華陽集觀文殿大學士行戶部尚書知許州
宋祥可兵部尚書知河陽制勅文昌本喉舌之司而總圖之萬務盟津
燕關梁之阻而帶畿之一都維德重者枝益峻政務者寄愈劇矧謀耆結

之望且蕃譽命之承其官某夷粹誠于心文明貫學道入則統百工之序以熙天之載出則倡九州之牧以阜民之風朕居懷觀文之訪而深留穎川之治歲事偷閑寵未隆賢時夏官以進卿蘇河雖之更闡左陪西部之勝中峙三城之雄土樂而俗康訟清而教易方推良翰之倚猶況舊鈞之勞復聲如運宸闕云補可曾輩元堂類葉門下侍郎尚書左右丞制尚書萬事所出丞相所以究其要門下三省之首侍郎所以貳其長朕稽于古義以正官號故合是寵秩以命吾共政之臣非天下之材足以協朕之謀繫人之望者夫豈虛授某莊毅忠篤通于古今列于廟堂以義陪朕是用考擇以為選首使文昌左轄之任舉瓊閣參議之効明六官紀綱上之所以齊下者無所撓四方奏列下之所以通上者無所壅以擢予一人而亮成庶績尚懋厥志無忘訓詞門下中書侍郎尚書左右丞制尚書中書門下三省本天下之務而侍中今僕射為宰相之任舊矣自唐政不綱而夫其守今朕重正治官使三省之長皆復其任而於尚書左右丞左右省侍郎秩有升降使或吾任政之臣夫綱轄之地與御史更相察舉所以警官邪明憲度而侍郎於左右省無不統理則其所繫於體尤重非傑出之材不在茲選某官端方篤實學有本源預于政機人望推允某強毅

永樂大典卷萬三千四百九十八

五

忠厚通于古今謀謨廟堂休有令聞是用命爾以為選首其尚休余所以處爾之重勿苟勿隨便百工庶尹皆知爾之私于法固敢不正而政令之自上出者固不得宜以稱朕所以作則垂法始今行後之意爾可勉矣予有望焉胡文恭公集丁度可兵部侍郎張觀可尚書左丞制初某官某朕圖政弼之舊嘉老成之人進退無於間言出處全於美節功庸前茂朝野式瞻特陞爵秩之崇益示儀形之峻其官丁某志經道德性合誠明典冊擅乎辭宗風業推於特匠其官張某材合厚棟體合大圭德好是民彝仁以為己任並歷更衆職宣暢本朝承召皆於鑿坡備勸講於惟懼匪惟授道多所納忠資其器畧之賢寘在樞鈞之地夙夜勞止功效炳然及解去於繁機用優崇於禁職並延陞於別殿或倚任於輔藩時望益隆朕心所簡不有殊典曷寵高且天轄之崇維正於八座夏卿之貳典幹於七兵並用褒優益彰峻重當體尚賢之意惟欽進律之恩時我舊人宜頌多訓唐杜牧樊川集崔琮除刑部尚書蘇絳除左丞崔瑛除兵部侍郎等制初唯古百官之本綱轄天下之要或政國之大事三人為衆一舉得之唯君知臣于不散讓正議大夫尚書左丞上柱國賜紫金魚袋崔琮德可標準言成文章楊歷中外道益光顯左省駁議不畏強禦分憂陝服尹茲

永樂大典

卷一三四九八

東郊政既安人化能被俗擢任藻鑑旋職宰龍材皆適宜官無通事分鎮
股肱之部遂成功實之臣陟履綱曹副以中憲母師遠環常慕史魚擇彈
之勇正當時病翰林學士承青銀青光祿大夫行尚書兵部侍郎知制誥
武功縣開國男食邑三百戶蘇滌行冠人倫爵高天秩仁義禮樂之是務
克伐怨欲之不行翔翔禁闈出入諷議汲黯為郡嘗問野理下惠去國皆
以直道泊宣室思賢甘泉召唯進滕盡忠代言措古近以微恙懇請自便
君子之道進退可觀正議大夫前權知尚書戶部侍郎上柱國博陵縣開
國子食邑五百戶賜紫金魚袋崔與上知自得不器難名既擅高文兼通
樸學掌言論閣典貢春閣詞同三代之風士擬一時之秀振舉職業昭宣
今名詩曰多士文王以寧禮曰官倫天子為樂皆爾琛等實瑞清時子為
爾之德隣爾膺予之慎選典刑不忘於哀敬提綱唯在於公勤舉司馬法
勿墮近習各膺重任金符上酬且於夙夜無孤官業標可守刑部尚書散
官勳如故滌可左丞散官勳如故與可權知尚書兵部侍郎散官勳封賜
如故 裴休除禮部尚書裴諡除兵部侍郎等制 勅冉有仲由孔氏門
人之高弟也尚曰處於小國可為其臣况今照臨百官無御四海維宰龍漣
觀之職掌五兵六師之重次第超擢為吾大察若非命諧宜敢輕授正議

永樂大典卷一三四九八

六

大夫守尚書兵部侍郎兼御史大夫充諸道鹽鐵轉運使上柱國河東縣
開國子食邑五百戶賜金魚袋裴休仁義禮樂文行忠信積此八者以為
成人前宣歙池等州都團練觀察處置等使太中大夫檢校左散騎常侍
兼御史大夫上柱國河東縣開國男食邑三百戶賜紫金魚袋裴諡在元
和代唯帝念功四夷九州文化武仗皆爾先父貴著大勳天必祚仁門有
令嗣道直才富行備名高文學而淡洽專精率履而清淨恭儉而皆周歷
華顯踐更臺閣處事可法出言成章成報自輪閣任寄方伯教訓以禮生
聚以仁千里封疆一口歌詠休乃命以取士特稱得人用其公方安之管
推事為之制曲為之防鈎校奸賊未滅賊取公財不耗疲人樂生望為準
繩立作據仗名實兼備德位兩高漢史曰理行尤異者社如禮曰有功於
人者進律秩崇八座官副夏卿舉以授之于亦何怪夫宰相佐天子公卿
幼宰相股肱指臂任同一身有事必言未為越局無由受惜勉谷龍榮休
可禮部尚書依前充諸道鹽鐵轉運等使諡可權知尚書兵部侍郎散官
勳封賜如故夏文莊公集翰林學士工部侍郎知制誥范迥可刑部侍郎
餘依舊制 勅國家頌次祖宗之典允資石茂之才既紬繹以成書寔精
研之備至宜推異渥式獎名儒具官某局致淵通資氣溥素韞深厚之學

藻潤於訓詞敦棧約之風靜一於流鏡表儀群士茂聲明姿而自總緝舊
 章編研史策歷年滋久宣力居多宜權威於秋卿俾增輝於內某勉膺寵
 眷無忘欽承可 翰林學士給事中知制誥陳彭年可工部侍郎餘依舊
 制 初朕以頌次先猷總裁大典誕播無疆之美寔資命世之才式慶成
 書宜加茂寵其官某清微映世景行服人閑練典章司旋要近辨禮樂陞
 降之數敦訓辭深厚之規明識遠猷藹於時望而自備觀注記細釋信書
 約五始之舊文宣兩制之鴻烈時乃之力朕甚嘉之宜擢威於冬卿用增
 榮於某省服茲休命更竭乃誠可 樞密副使禮部侍郎晏殊可刑部侍
 郎餘如故制 初內樞之重密命是繁允賴忠賢參綜兵要春惟勳舊宜
 峻等威其官某道藝諳明資性方格自陳名教之樂淡於榮進之塗爾自
 先朝列於儲案輔朕初載克暢於大猷登汝近司俞昭於懿德宜進天臺
 之秩用增機軸之崇更佇評議休迪于志可 起居舍人知制誥判昭文
 館盛度可工部郎中餘依舊制 初國家均慶頌祇之官多歷年所大校
 群吏之治咸欽其勞在於侍臣宜有殊寵以爾其官某周才敏用與學維
 文演潤之詞日彰深厚之美銓衡之任時推平允之材久次近班彌昭令
 望宜正名於郎位俾增美於掖垣更務誠明副茲甄獎可 刑部員外郎

永樂奏卷萬三千四百九十八

七

知制誥新知揚州王隨可工部郎中餘依舊制 初某朕魏雖車慶多歷
 歲年中外庶官已從考陟左右近職宜有褒優以爾早列綸閣出司留養
 能以寬政惠茲蒸人方別寄於藩條宜持隆於郎選佇聞治迹以稱朕懷
 可 翰林學士主客郎中知制誥王曾可兵部郎中餘依舊制 初均慶
 隆雖歲時滋久陟明群吏甄獎居多春惟清近之臣宜茂褒優之典其官
 某韻宇宏遠資氣淑均潔已無瑕早勵懷霜之志富官有守克彰匪石之
 心自振藻於禁林寔飛美於雋域年華屢改時譽編芳宜進秩於中臺俾
 增輝於內省佩服優寵更務夙宵可王珪可樞密副使給事中王堯
 且可戶部侍郎參知政事制 初中階之吏元化鴻樞之幹萬兵雖股肱
 之勢均然惟懼之體異匪國峻德時易近司以爾其官某執文醇深器識
 高正早推賢級之冠遠服禁途之游訓辭也於帝謀心計美于邦賦望久
 而逾美德勛而益冲邇廷宥宥之庭居重安危之倚而廟算多勝邊烽靡
 驚庸進秩於地官尚同寅於軍路况智略可以斷國論經術可以緯皇猷
 往圖厥庸以底于治可唐由唐步也變集韋觀可給事中度秋休可兵部
 郎中知制誥同制 初職之要莫先乎駁正文之選莫難於司言將使朝
 綱有條朕命惟允在二者得人而已中大夫使持節蘇州諸軍事守蘇州

刺史上騎都尉守親精微專直通乎事典可使乎奏議而坐左曹朝散大夫尚書禮部郎中上柱國度敬休溫裕瑞明飾以辭藻可使書詰命而專右席而翰棘鑿柄各適所宜夫惟刺史守列城郎官應列宿選任倚注非不榮重然吾左右前後方求正人如親敬休不宜踈遠亦猶有聲之玉無類之珠不置於佩服掌握之間皆非其所也且自敬謹無忝吾言親可行給事中散官勳如故敬休可尚書兵部郎中知制誥散官勳如故宋劉敬彭城集承議郎殿中侍御史上官均可兵部員外郎兵部郎中葉祖洽可禮部郎中制 勅其官某等六曹屬郎朝之精選考曰頭司尤為重任春官之掌非禮折父之主戎事決非美材曷當邁東以均祖洽器識宏茂文彩瞻麗或恪職風憲或收譽臺妙宜有峻遷以副衆望論其初試始被懼蘭之寵銓此久次益見應星之貴勉脩職業毋負恩渥可 全部郎中范錡可京東轉運副使京東轉運副使侯利建可全部郎中制 勅其官某等朝廷經費調度金穀為重內則文昌地官之屬外則曹臺使者之任非其深思敏智不足以當吾慎選以某久更吏職練著能譽惟此司存雖有中外之別至其職業非復劇易之別易地而處陳力就列益圖善最以副民望可 兵部郎中杜常可元稹少卿祠部郎中向宗旦可兵部郎中大常

永樂彙纂卷三十四九六

丞賈易可祠部郎中制 勅其官某等六曹九寺所以挈提綱目釐舉庶務朝廷資以為治者也屬郎卿或為妙選有以久次增秩或錄良材初試吾所簡閱未嘗輕付常風格幹濟陳力維舊宗且樞機周密務敏達易儒學脩明士論稱述此其在官皆有休譽進而用之吾何愛焉武部掌兵伍之符籍祠曹主中外之祀事无祿之任尤為繁夥非若漢代謀門戶之禁而已其惟恪恭勤勩可以稱職汝其勉之可曾某元豐類案黃好謙戶部員外郎劉程戶部郎中制 勅其官某田疇生齒之藉賦租課入之法郎於省闈典領尤重邦之儲茂俾服厥官爾能敏於事功朕豈稽於信賞可洪平齋集王子申落致仕除刑部郎中制 勂其官某韓厥既老而稟政留侯導引不食穀而強起材足以為斯世用詎容得謝爾孫尚渾厚風致簡遠郡國選表再召爾辭遂以垂車請幅中林壑獨立氛墟之表固泊乎世味矣朕訪西南人物於朝謂爾年耆德明精神未衰懷香憲部勉為一來霜峽放舟使觀者知朕能致華髮於萬里顧不韙歟可徐鉉騎省集水部郎中判刑部蕭儼可祠部郎中賜紫制 勂其官蕭儼夫王者之為政也任能舉直理刑懋功如斯而已矣今秋官卿佐皆闕爾儼實專其司定法察情克舉攸職切言直氣屢聞於朝靡私厥躬何其愛朕之深也

方將圖致適屬均恩是用就升名曹仍如命服俾雍者隨時于寵章爾其念哉無易乃心無回乃行決獄以寬簡當官以公平一心克終于慎嘉汝可 浙西判官高越可檢校水部郎中賜紫制 初王者之建藩輔也必命重臣以臨之又擇賢士以佐之政或當迂留而增秩古之制也高越以儒學淹雅見稱于時頃自南宮直于東觀筆削之言方勵弓旌之禮是求從事大邦率多婉畫有嘉令望屢屬慶恩俾假正郎仍紆紫綬服我加等之命無懈盡規之心元憲公集尚書司封員外郎知明州張弁可尚書祠部郎中制 初具官張弁資性淳夷操行廉素嶽咨郎選參案縣畿心馬首公善弗求譽嘉聞美課尋寵巨藩而前此攸司大比來上始延恩格吏竣歲成亦既一周靡或佗吝宜真握蘭之秩兼懋剖符之績可王珪華陽集河北都運使李參可諫議大夫江淮等路都大發運使高良夫可司勳郎中制 初邊方控朔蓋天下之要西峙兵師之雄神都即返則邦中之費南幹山澤之賦朕聞幹自於最籍特使節于外臺蓋委重則必傳之寵賞先則思責于辦以爾具官李參風強而銳有世資之運以爾具官高良夫器敏而沈無吏文之害並楨首職之俗薦更使煩之勞或提封百城以經于大河之北或運策千里以制于長淮之東隄繇未平民力甚敬維爾

永樂大典卷之萬三千四百九十八

九

參主澤之是宣邦計或道歲漕不登維爾良夫心畫之是濟茲命列諫聯於右曙進郎秩於中省率蹈台訓以承于休可夏文莊公集職方員外郎閻仲卿可屯田郎中知耀州制 初某資性矜嚴當官盡瘁存更事任屢易歲時將涖近藩對於使生俾正握蘭之秩用增分虎之榮善愛吾民以吞殊寵 刑部郎中充龍圖閣待制查道可右司郎中餘依舊制 初朕自祇薦坤靈荐歷年所考陟載行於庶位既陞宜厚於通辰具官某性本溫良識惟清達回朔近署克遵慎密之規典掌攸司允著公勤之績蔚有詞藻頌其聲明又搭茂恩未副朝論特進中臺之秩式增內閣之榮更勵誠明表于春待可彭汝礪鄱陽集韓晉卿大理少卿林英鴻臚少卿范子諒倉部郎中制 初某等大理掌治邦之刑獄以察冤枉以糾萬民鴻臚掌治邦之賓客以詔朝貢以和遠人倉部掌治邦之倉庾以謹出納以足邦用皆以佐朕經邦國安天下任責亦重矣爾等更踐中外顯聞惟舊敬聽朕命尚克有成哉可元蒙齋某剏炳除全部郎中李韶除都官郎中制 初具官尚書郎高選也非有資望不輕授爾炳愿而和爾韶清而通常為朕牧民且登諸朝矣青陵入直班序寔寡非徒高爾榮尚其懋勉異時稱為端平郎吏惟乃之休劉攽彭城集水部郎中王諤可知濟州都水監丞

永樂大典

卷一三四九八

錢惟可水部郎官制 初具官某等臺郎重選郡守優寄朝廷待材用之
宅兼任官之美是皆雍容內外之望用為更互出入之地以諤效官文昌
既歷歲月俾分符竹往臨鉅野以矚領護都水丞事修舉進升省闈仍莅
起曹勉副茂恩力圖未效可 朝散郎守兵部郎中程博文可太府少卿
承議郎陳次升可兵部郎官制 初具官某等太府主貨賄之藏司其出
納夏官主五兵必妥謹其符籍貳卿副郎皆精選也以博文歷省闈肆
著士望以次升臨按淮南充宣使指並用登進以德材略夫其厠惟月之
班黜應呈之象為寵多矣爾其勉之可司麟之海凌集莫伯虛除刑部郎
官制 朕忱念庶獄救寧嘉師其斷治既屬之理官例成又聽于司寇郎
曹所領責任匪輕爾以明允之資通法理之事周旋棘寺踐歷三官是必
能習察獄之麗知播刑之迪者俾升憲部用展爾長決獄則詳審其重輕
理寬則深求其情偽爾無俟訓尚勉之哉 路彬除刑部郎官制 朕擇
吉人以觀于五刑之中惟時秋官實掌邦禁郎吏之選非才莫居以爾法
理詳明輔之文雅擢在棘路逾三十年自評而丞一再為正又嘗五易憲
車于外鞅環於湖廣江漢之郊莊圖老成人踐省戶使汝持議之際不減
平反之特斯為祥刑朕不多吉 胡 除兵部郎官制 朕耀德以為威

永樂大典卷一三四九八

十

安民以為武任賢以為折衝之具戎部雖設始同清曹握蘭者優游乎其
間非老成謹厚之士不畀也以爾業履純茂多所踐更自蜀趨朝贊事外
府文攝承于夏官之屬爰嘉乃績就命為真惟立武之常規與除戎之大
戒載在古訓非儒者不能知之往思悉心以助而長 李庚除兵部郎官
制 文昌列曹雖受察于御史府然郎官著位實居六察之右或自臺而
升省或緣省以入臺二者均謂之遷惟才無所不可以爾器範清類士之
譽髦敏於事為果達而濟頌以公薦序于憲僚既升三院之職彌覺一時
之望較自我身畀之握蘭時方辨兵戎政簡矣若夫正邪之大法立武之
常經職在司存有不可廢昔之所察今之所為委任不殊往其懋勉可
稽籍除工部郎官制 朕用人之方惟器是適謂賢者不可以一職拘也
苟才有餘地必使之踐更於臺省之間以爾質直而文心貌供古蓋一鄉
之所謂善士在特論亦以為通儒回翔臺僚既已久矣序于郎吏熟日不
宜未三院之職六曹之屬皆選也惟前日之察人與今日之察於人為少
異耳其事雖異其理則同毋謂次遷不產于績可 陳相除左司郎官制
中臺本天下之政六職治其繁而都司總其要與領至重在乎得人以
爾遂推而文達于世用司我與駕舊為望郎贊謀樞庭再踐厥屬識慮精

審備見於斯肆以汝遠升于軍掾惟慎密足以彌綸省閭惟詳整足以糾正諸曹爾所優為莫侯于訓 王歸亮除左司郎官黃祖舜除右司郎官制 文昌天府庶務之淵分之以六官而總之於宰士允自部而上之者者無不關焉蓋所以佐丞轄而理曹事自昔多以周材之敏識望實之俱稱者為之今吾尚書郎如晞亮之精詳審明如祖舜之爽達疆濟皆宿儒也或久與典選或屈於司儲爰嘉已試之能並正彌綸之任夫省闈乃要地都官為劇司惟得其要在於提綱之間則居其制無不迎刃而解往承厥叙益究汝心洪于齋其周操都絮並除吏部郎官李南壽除考功郎官張孝祥除禮部郎官制 中臺號政本六屬分郎開吏禮二曹允為高選朕屬精庶務思有實才官人之方先試其攝及此試可從而類升益操也以積學師賢開潔也以通才或工監南壽辭林之秀孝祥舉首之英久在石渠校讎秘籍今並以兼官之舊錫命而為真典銓者當兩選之繁考績者據七司之會隸南宮者有舍人之目各踐厥次毋隳爾成可 工部郎中鄭寅除尚左郎官制 初具官某良以止為體能時止則止然後能時行則行爾簡粹而通亮為郡嘗以治理効聞顧時俗之流從又孰能無變化懼荃蕙之俱芽也而恬然歸絮坐玩歲華持化機之轉移偕眾正而

永樂彙纂卷之三十四九六

十一

彙集其將有行乎郎選甚高母憚于劇朕方思所以進爾者可 考功負外郎桂萬榮除尚右郎官制 初具官某比歲倖門開而吏道雜武級張濫尤甚綜核方嚴銓筮宜允爾為考功郎氣嚴詞厲吏莫敢欺推是以修審官西院之法鑿揭而妍醜分衡設而輕重判劇曹其澄乎來幾何日三錫厥命用惟其材毋謂序進可素蒙齋集趙汝遇除軍器監趙必應除戶部郎官制 初具官除戎器或不虞義著於草不傷財不害民訓垂於節而吾聖門講明實學有勇知方于路能之治賦足民再求能之皆確然有可用之實爾汝遇之謹重職在繕戎爾必慮之明練職在理財一為監長一為郎曹其足食足兵之所深賴乎治兵而毋佳兵治財而無露民此則聖門之所尚而宗美之所以培植宗社者也懋哉服我休命唐白居易長慶集奉天縣令崔郾可會部員外郎判度支案制 初奉天縣令崔郾大允南宮郎無非慎選者也况官之屬有唯案盈机之文有月計歲會之課故負郎不可逾時闕不待滿歲遷事劇才難斷可知矣而郾自操白簡半赤縣繩舉違謬惠養繆學皆有善聲著于官次豈能於彼而不能於此乎爾宜率原人佐計務決繁析滯期有可觀可依前件宋夏文莊公集三司鹽鐵副使刑部員外郎段暉可吏部員外郎餘如故 初國家舉慶分惟于

茲六稔庶官大校咸用陟明業劇宜勞特宜疏寵其官某等操履端肅器
苟淹通貳乃計臣度註邦賦龍山澤之利公家之用咸克積歲月之勤鈞
考之文未至用持進於賞典俾俯勸於能臣祇荷寵章更思况瘁可。王
旦弟度吏負外郎判國子監旭可尚書司封負外郎依舊制 勅某有帝
降衷資于良弼交脩封祀之典宣臻揖讓之治佑我鴻業格于皇穹哀哉
云亡追悼何已春乃同氣素有令名遵金穀之要司總膠庠之學館實延
之寵宜異于常勉繼前脩式光華緒可 也田負外郎同判定州張懋可
都官負外郎餘如故制 勅某朕以郡縣之治責在庶官三年有成憲於
加賞故有就進爵秩以勸勤勞者也以爾業文中選屬節首公關決郡條
熟習吏事有司會課善最居多建禮增崇命數滋重勉思幹裕以答寵靈
可 也田負外郎監刑南鹽翅高稅務陳易從可都官負外郎餘如故制
勅某等有虞氏之制三載考績陟幽明朕舉而行之以勸臣下以爾
等服勤官次各有吏能校課最於彼司上閱閭於宰府宜進文昌之秩或
升中御之丞各荷寵靈更圖來効可 新差判湖北路提點刑獄太常博
士江嗣宗可也田負外郎餘依舊制 勅勞臣不進材臣不勸朕宣明
考績甄序派品以爾具官某等服勤官次引藉朝闈綽有政能多歷年所

永樂大典卷三十四九六

十一

差觀陟狀用錫寵章司與建曹聖田列職臺郎之選於是為優勉竭乃誠
無忝休命可 太常博士知廣德軍陳暉可也田負外郎餘依舊制 勅
某等古者以尚書郎主也田積穀之事以充經用國家頗重其選未易授
人今爾等辭藝談明吏事周敏在初可紀會課居多以升厥官更佇來効
可 太常博士知眉州劉忠正可也田負外郎等詞制 勅某等漢魏以
尚書郎主整田虞衡之事分曹建禮職亦甚重以爾等清潔秉志勤勞首
公或守郡坤維或詳刑嶺表皆以吏課列於有司考覈以聞陟明斯在弟
陞華序用勸朝倫欽踐厥官更思况瘁可 太常博士充祕閣校理韓義
可祠部負外郎餘如故太常博士胡淳可也田負外郎制 勅文昌政化
之本臺郎要近之官僚非特材曷稱朝選以爾韓某抗文深厚躬博雅之
姿胡某吏理精詳懷青白之操並處曲臺之秩或奉祕館之榮第課當迂
賞勞斯在宜分曹於建禮俾應宿於太微勉勵清修無忝朕命可胡文恭
公集闕詠可也田郎中趙東可職方負外郎制 勅具官某等夫治以得
人為本而守長尤難官以稱職為賢而名實須允我疇吏伐第進者曹胥
獲美才咸進褒典以爾詠性度閑達履尚清修以爾秉識致疏通志用開
敏率自高良之舊屢試剏頃之能進服臺聯外握符寄度我典刑之守濟

于文雅之風或海沂以康賴堤闢之利或傲外無撓濟遠夷之安列上年
庸給於朝聽正以望之之秩職諸方貢之宜並疏名郎且旌良翰益樹終
更之課勿忘甄陟之恩 廖詢可都官郎中馮振可都官員外郎制 初
某等朕設課吏之格較比氏之績申唐虞之簡舊去漢魏之煩密均用一
閭參比衆功爾等體行清修風力進濟自朕王官之序屢試吏資之能分
握符書臨長藩服上計文而可紀應考法以當遠宜正秋臺之職進丞郎
省之務取稱楙官之典勉修良翰之風 章惇可也田郎中趙永裕張爾
並可也田員外郎制 初具官某等考宣之治信賞而衆職理京房有言
舉功而萬化成政平吏良繇此物也朕率由舊典詳試庶工褒勸勤庸以
風內外以爾悖行義深篤以爾肅風節清修以爾水裕出善德之門有名
駒之質並奮繇士彥而檢服朝聯典城臨民准官行政節以廉著治用最
聞列上年庸胥膺考法中臺之選起草為華右曹之煩鑿田居劇或進正
貢之重或峻副郎之選並寵清流茲為茂典益圖敏政庸對陟恩 郭亨
吳迪並可比部員外郎冠珙李成熙並可國子博士張承愨可水部員外
郎張景純可國子博士張仲莊可太常博士馮溫舒可也田員外郎制
初某等皆先以職而試臣漢用法而課吏成責實以觀效亦累優而取陟

永樂彙纂卷之四十九

三

以爾等士矩尤飭吏文滋習謹政條之賦則嚴而不苛裁事局之繁則敘
而能力績成所治章下有司較閱閱而信然措功令而審若差進中臺之
秩參服上庫之職資地本優儀品兼峻往踐乃職彌懋爾勳宋元憲公集
尚書屯田郎中知衢州胡晏可尚書都官郎中尚書駕部員外郎知慈州
涉績可尚書虞部郎中尚書比部員外郎知巴州陳甫可尚書駕部員外
郎太常博士知蒙州田瑜可尚書屯田員外郎制 初具官胡晏等故事
南宮郎專治臺務國朝均內外之任率真拜而煩使之亦既有遷尚本其
次以爾等成服士操胥濟吏文苻歲結勞登朝有著分掌州任參穆化條
前勳著聞今治通舉合是課目惟于褒章都隸朕虞僕駕回部或正或貳
勉即厥官可 尚書虞部員外郎馬存可尚書比部員外郎太常博士張
泌可尚書屯田員外郎制 初具官馬存等夫臺郎始於墾田者書總於
鈞比皆一時之俊選也以爾等効智肅給持法教詳而嚮守軍牙有錄鐘
之政以爾泌屬解州龐東操廉約而游腰懸組有撫字之勤並見考歲歲
來結官最宜階承務之刺且勸叙才之規往服寵嘉母息祇師可 太常
博士通判定州馬倫可尚書屯田員外郎國子博士知濱州盧南全可尚
書虞部員外郎制 初具官馬倫等或俊茂服官或淳固宿業各敏乃事

永樂大典

卷一三四九八

序登于朝者報歲遠慶假領州祭雖折在末大而前謀已周宜時三歲之績並允一臺之拜體余郎選勉爾吏勤可 國子博士郭長吉可尚書虞部員外郎通判西京制 初具官郭長吉業治儒經仕優官簿早階郎署滿布郡條失於保任遂罹降斥屬郊恩之蕩蒙加京守之薦能保復典虞之曹往來主綸之政悉心營職以稱所知可 尚書職方員外郎知衛州任旦尚書職方員外郎監衛州清酒務郭昭若並可尚書屯田郎中高書虞部員外郎通判廬州陳執方可尚書比部員外郎制 初具官任旦等各以吏能參虞部選或州藩為政頗迪忠和或推酷示謹已淹時序並通前績借集做司正秩員外清曹制選案名即授尚書刑部員外郎制 尚書郎官中郎知處州黃高昌可尚書職方郎中淮南路提點刑獄尚書祠部員外郎制 初具官黃高昌等朕以較吏之法責于彼司官無內外三歲一考備課即授褒勸在焉以爾高昌勤身蹈和自首無懈以爾越小心繫矩清猷稱勛並累書闕簿參真郎關或華榮為州籍教條之熟或赤車案部副欽恤之懷率以年庸惟我朝獎陟司方志感度國征往服寵階尚結來最可 應賢良方正科太常博士蘇紳可尚書祠部員外郎充通判應茂才吳等科張方平可秘書省校書郎充知縣制 初具官蘇紳等國家振

永樂大典卷一三四九八

十四

復賢科咨求邦考非以角空文於無用蓋將什遠獻之斯告膺是選者不其難哉以爾等抗志經墳沈精道素或昌辰委質已列於朝綏或別都論秀海借於計物並能貫穿前載發揮大猷溢奏績以獻文鵠薦章而署行差臨便坐躬覽著篇雖異等之未齊亦洽聞而可錄茲馬第賞誠惕育在噫結華履以陟郎曹視野中而登祕省贊條外間字俗通封併示寵章勉永來譽可劉放彭城集朝散大夫權知曹州王彥韶可衛尉少卿朝奉大夫駕部郎中張備可鴻臚少卿朝散郎蘇注可司封郎中承議郎太常丞周秩可駕部員外郎制 初具官某某等中郎列官皆有分職地崇望高者卿寺郎曹也非其美材未嘗輕授以某某等持身端直臨事詳敏外典州郡內史臺閣久次成效皆有可紀是用遽加寵進以極智略或仗威惟月或上應列星至于副郎並為茂選敢服寵光敦懋職業可曹肇元堂類彙范子奇工部郎中高遵忠員外郎制 初具官某某官宣城隍程匠度材之事那於起部其選甚高詢求在廷爾材惟允朕方董百工而康庶務爾尚勸夙夜而能厥官可范石湖大全集提舉兩浙東路常平茶鹽公事周闕可戶部員外郎總領淮西財賦制 國家謹供軍之制特全師所營必以王官持節護饋饋寄朕耳目分國顧憂班序甚高舉在凡奉使命大夫上以

爾詳明練習籍有才譽來報東部席固未溫進釋郎星將我使事調度密則軍不之興甘苦均則士有奮志繫汝之職往其欽哉洪平齋集川秦郡大茶馬法如琬除戶部員外郎制 勅具官某尚書郎非民庸暴白不投劫地官之屬選高而制可輕乎爾將潛于變就建帥聞不計急以牟利不矯異以干名刀耕火種之民悉安之朕惟推收畀節以示獎勵孰與入奉明光之為審式邁其歸贊我邦計。凋窮若何而裕頌冗若何而節帶。理物重若何而權推此類具言之用觀爾。錕可沈氏三先生集都官員外郎揚異等可並職方員外郎殿中丞李之純可太常博士屯田員外郎張宗雅可都官員外郎制 勅某等朕綜核名實信賞必罰庶幾乎吏稱其職民安其業如漢之全盛時故考百工之績而陟降之未嘗不詳且慎也今有司以爾等代聞之狀來上咸應于法而無愆者其可以不賞而陟之哉其各增秩一等尚書副郎秩宗博士皆清選也其各懋之與我同底于治可。鄒起潛立奄外制葉朝奉大夫尚書考功郎中兼宗學博士胡泓除吏部郎中朝請大夫屯田郎中立迪壽除兵部郎中通直郎行都官員外郎陳昉除刑部員外郎承議郎權發遣處州葉秀發除屯田員外郎制 太微後一十五星尉然曰那位尚書郎重矣雖事有繁簡而位望等也爾泓以

永樂癸亥卷之三十四九六

十五

宿學該深錄司績陞右銓爾迪壽以長才練達錄司田曹或部爾昉以雅望靖共錄司隸陟士師爾秀發以通儒理劾錄郎最入農部惟茲四人一朝而並命之諸曹之事舉矣往欽哉思稱朕選擢之意蘇魏公集職方員外郎夏旻可屯田郎中馮部員外郎俞康直可虞部郎中散官如故虞部員外郎鄭諤可職方員外郎散官如故虞部員外郎姜正顏可比部員外郎國子博士傅共可虞部員外郎制 勅具官某周之六庶唐之四善皆天官比吏之法今之考課參用其制視功賦極厥惟舊我以爾蚤聯閣臺總服吏政一官恪次四載于茲治以最聞行無過事稽於有司之令應被增秩之條勉服忠規以對休命可 職方員外郎陳傳可屯田郎中虞部員外郎孫昱可比部員外郎制 勅具官某等考陟之典尚矣自有虞以來未之或廢蓋疇能比吏勸功賞善有國之法不可闕焉以爾等委質策名居官任職民政有拊循之效郡網籍闢決之明稽勳四期嘉事勞之可錄進班一等亦疇勸之所存服我恩榮終其報稱可 駕部員外郎李茂先可虞部郎中屯田員外郎馮積可都官員外郎虞部員外郎蔣僅可比部員外郎制 勅具官某等昔有虞之熙衆功也九載而能否別周官之比羣吏也三年而治最陞夫授方任能授功書過久則實已廢遂則實

或借四歲過點我待其中以爾等夙以吏資仕于朝廷自登郎選屢試政
條率職之勤訖無曠事議年之課且應功書並進等於右曹示時能於往
效尚思勉懋無忘欽承可 遼山縣令賈祥母著作佐郎周綸母並年九
十一歲封縣君南宮縣令董京父年九十一歲可守秘書省校書郎制
勅某向者已事秦壇均登列位厥有親年之耄未登封賞之科特滯珠私
或彰孝治以爾壽康之福寔應詔求慶善所終誠宜表顯寵以遂丘之列
湯邑之號用為子舍之榮益保餘齡無忘休渥可沈氏三先生集太常博
士郭琪可屯田員外郎殿中丞劉介可國子博士贊善大夫石弁可殿中
丞國子博士王諤臣可虞部員外郎制 勅某等書曰知人則哲能官人
蓋堯舜之所難也然所以能使百僚師師百工惟時者非有考績之典歟
今夫外廷之士眾矣固未嘗人人而從容乎朕前也然則安得人人而辨
之哉故祖述唐虞憲章三后所以損益審官之法甚備庶幾乎黜陟之明
勸沮之信而在位者皆得其材今乃以爾等來上皆應其法而當遷者也
朕甚嘉之其各遵一等往服新命毋忝我丕顯之訓可 宋景文公集王球
可工部郎中張叔唐盧安並比部員外郎制 勅王球等或風尚閑爽或
理懷脩舉並宣力繁執績用屢升陟狀鈞校年庸茲久格有成例朝嘉爾

永樂彙纂卷之三十一

考况吏二千石朕所倚辦就膺進秩之典皆時報成之良正局外曹官以
差進可鄭辯郎漢集職方郎中馮沆致仕一子可試校書郎制 爾之父
以忠潔自脩白首不懈引章言老請佚其餘年詔音財及而奄已淪謝加
賜一子庸亦朕之茂恩可 敦遣人韓盈可試校書郎知縣制 刺史言
爾行義甚高鄉里師之善積于家而實行于朝古之道也其以某試蘭臺
校書爾其勉教不懈以師其民俾至於為善而後已則於時豈小補也哉
可 素蒙齋集蔡仲龍除秘書丞兼屯田社範除秘書郎制 勅具官十洲進
士為號風月不到處職為丞郎儒者高選也爾仲龍夷雅自持爾範端方有
守蔚然令聞士論推之同時登瀛之榮豈汝私朕率厲群工治事于局
木天雖無吏責經史皆實學也及茲暇日培植器業如或知爾舉而措之
乃問後艱劉行簡皆漢集劉才郎除秘書丞李百藥秘書郎制 勅具官
某同府士之冀北追風汗血之駿在馬識者朝暮而取之無留良也爾等
召自外服問以所知論議切理有當朕意丞郎之職其選甚高往屬爾脩
以俟識拔可 蔡端明集李評殿中丞宋敏修太常博士楊德奉禮部郎制
勅具官某等天下以文治而士人以詞進者為日舊矣惟爾評生於貴
戚早聞善訓綴學屬文特然有立敢修暨健世以儒聞能名其家經術益

永樂大典 卷一三四九八

茂命試列等繁然可觀或迂駁者之懸或與奉常之列率為恩渥勉務敦
修洪平齋集歸順人同鼎武翼郎王閻顯武翼大夫呼延實求伯友修武
郎制 勅具官某國家推天覆之仁含逆取順豈以南北為間爾等執
綫以從亡虜遂窮力屈來身歸命朕不汝棄也易昇武級之勞毋忘志力
之報可吳泳鶴林集張文用授隨龍武經大夫王倫授保義郎董有恭授
武翼郎制 勅具官某阜陵之書如天球弘璧歷代寶之以為大訓經筵
進讀今已終篇恩光所霑下逮而屬既優既渥矣爾其敬謹于儀往祗厥
事毋曰一官可以幸得也可 楊鳳孫授中大夫楊蕃孫授朝奉大夫揚
行孫授朝請郎楊績授朝請郎制 勅具官某等昔我文母保佑朕躬有
大功於天下今升自闕宮附于太室威晚內外嘉與推恩蓋報其親者不
敢弗盡也爾等生自高華素于富貴有敬謹威儀之度無康好佚豫之夫
茲升一秩宜懋厥官毋曰居寵而不思危也可某容彥達攝文堂集西寧
州教授歛州進士黃庭瞻可將仕郎樞密院闕黃庭瞻吏部供到今年七
月內奉聖旨西寧州蕃學措置就緒其蕃族子弟甚有能書漢字通誦孝
經漸習論語皆知嚮方慕義化華儀俗所有蕃學教授黃庭瞻與做將仕
郎以為訓誘不倦之勳本部取家狀未到未曾給付身奉聖旨黃庭瞻特

與將仕郎仍疾速出給付身制 勅具官某朕建蕃學于西寧既克就緒
爾以進士預講授之選訓誘為勳今蕃族子弟能通書文誦習儒典嚮方
慕義俗由化華雖朝廷聲教所暨爾預有勞宜錫官榮昭示勸獎欽承恩
命尚其勉哉可宋元憲公集十二考人前明州錄事參軍劉應可大理寺
丞奏舉人前渭州司理參軍張京可著作佐郎制 勅具官劉應各以廉
廉來于調補或部綱督罰通績前勞或州獄首公見稱敏識閱其吏啓嘉
乃官成宜從振滯之條無懸舉知之格省僚寺屬勉服榮階可 十二考
人前權楚州團練判官高中正可大理寺丞奏舉人前江陵府節度推官
劉浚可著作佐郎制 勅具官劉浚等成錄吏資早介戎幕或風力清勁
見舉所知或勞考優深載符允令得于銓啓嘉乃官成秘書判司各備其
屬可 十二考人前鎮國軍節度推官知鄆城縣宋辰可大理寺丞奏舉
人前權岳州軍事判官監納潭州茶末場陳選可著作佐郎制 勅具官
宋辰等此者作為恩格差次使動銓載有條陞獎惟叙以爾等屢由選集
出補實從或假以縣章積資於功狀或蒞乎若稅見保於監司宜懋乃勞
改躋優秩佐郎丞半分以命之可 十二考人前權保大軍節度推官張
從宜可著作佐郎制 勅具官張從宜久調中銓屢賓外府近援故格歸實

永樂大典

卷一三四九八

歲勤繁書考之滋多願振淹而有序宜緣信賞俾陟榮塗勉作進立之舉
更圖縣綬之舉可蘇魏公集奏舉人前陝州陝縣尉常景可光祿寺丞奏
舉人前普州趙城縣令安壽可著作佐郎制 初具官某等郎內閣丞
臺遷佐皆京司之美官也錄選部而陞者非詞學之科與公卿之世不得
預焉以爾等任於縣邑或令或尉皆有善狀稱於知已中銓考實使坐推
恩各用爾資進增厥秩既蒙獎擢之命宜盡公忠之心可 大理寺丞李
得臣可守太子中舍光祿寺丞吳立禮可著作佐郎制 初具官某爾籍
隸京司職吏民政庶方之守既已效於官成累久之勤茲亦應乎功令宜
甄時於善最俾叙進於榮資爾其欽承以永來舉可 前號州號略縣令
錢公績可大理寺丞前代州軍事判官張佑前權知果州團練判官鄭士
衡可並著作佐郎制 初具官某等今之任於郡縣者既限以積累之資
則其器能可見矣又難以保任之法則其操守可知矣會課來上閱實靡
差真之京司是謂慎選以爾等或起於門調或進自儒科典邑佐州咸有
善狀廷尉之屬爾臺之聯皆曰美官俾之並命借此榮路益思後勤可
索州分宜縣主簿前虔州受納板木場兼監排岸司劉最淮南節度推官
前知鄂州中都縣事王仲安可並大理寺丞緬南四川節度推官前知梁

永樂大典卷一三四九八

十八

山軍梁山縣事趙清可著作佐郎制 初具官某等或次科從仕或延實
入官並有廉能之資緝更縣邑之課臺章言狀銓筮條勞辨職者敏幹可
稱字民者拊循著效用推京司之列茲為責任之階勉思後勤勿渝素守
可 前權潤州觀察推官方仲謀前山南西道節度推官郭子牙可並大
理寺丞前權魏州軍事推官譚仲衍可著作佐郎制 初具官某士之由
選部而陞京司者榮進之階漸也非計最如格未嘗輕授今為者以爾有
幹盡之譽而有司又言應陟明之典臨引使坐擢為王官爾其益思登進
之艱終圖遠到之效副我甄任不亦休哉可張廣東憲集城關范寧並除
秘書郎內張闡兼史院檢討官趙銜錢周材並除著作佐郎制 初具官
某等朕廣儲美髦實待器使石梁東觀或以次陞譬猶合抱之材長養成
就豈一日之積哉以爾爾爾等問學之審詞藝之工朕故使之典四庫之
書以資其博以爾爾爾周材器識之速行實之手朕故使之典四庫之
信其公雖尚周旋三館之游然亦由畫一時之選乃若編摩之助教導之
勤各因爾能尚賴餘力許應龍東澗集徐雄除秘書丞史彌華除秘書郎
余元真除著作佐郎制 蓬萊道山清華之選也非頃學鴻儒蓋不輕畀
以爾爾爾有守公正止於屢振職於成均宜進丞於中秘以爾爾爾安

恬不競。惻撫無華。既為模範於金枝。盡掌圖書於祕府。以爾元虞。身端行治。學廣聞多。允為冊府之英。派晉秉著庭之直筆。周非吉士。允務師言。茂對榮恩。益宏進業。胡文恭公集。周偕臧論。道杜濟可。並殿中丞。陸養可著。作佐郎制。初具官某等。以才辭之華。升豫俊級。以力苟之敏。進列京司。臨長連服之民。賦宣刺邑之譜。刺治無壘。控帶有勞。吏民便焉。歲月著止。因稽齋代之實。並從進秩之科。丞盾省者。洵且華佐。吏觀者。尉其美。咸自修初。勿忝褒嘉。全余白祖。或李東可。並大理寺丞。周復振熙。可並著作佐郎制。初具官某等。朕欲選清能。拔寒素。故保任之法。專施監司。而探囊之方。一歸銓審。參覆不謬。襄陟乃行。以爾或奮。殊才章。或進以經藝。豫壽大蕃。領治一同。亦從對察之司。往登完權之局。並委來脩之士。宜敦渥茂之恩。領著文筵。進丞法屬。悉近朝闈之陟。益宣公路之勤。杜誥可大理寺丞。張文古可著作佐郎制。初某等。或積資至華。或被舉治縣。參畫有補。撫字弗苛。監司薦聞。銓覆應狀。秘丘領著。懃寺為丞。尚勉來謀之修。以對陟恩之茂。恭惠劉濟。並可大理寺丞。韓標可著作佐郎制。初某等。或力文升科。或治經署第。習知為史之敏。舉進行已之方。蕃有姚善。邑無遺事。薦書交於公府。滿課集於銓堂。推佐修書之筵。進丞治獄之署。益

永樂彙纂卷三十四百九十八

思勉勵。用對褒遷。李琦可供備庫副使。李瑛李瑒李球。並可內殿承制。制。初具官某等。朕以浚泉在詠。懷聖氏之慈。涓水興嗟。增逝者之感。眷言諸息。洽被遺恩。以爾等。妙年自修。沖規可尚。參從貴里。分籍某庭。惟東莪之在憂。服苴麻而居制。咸聞推慕。良足哀矜。覽遺表以法然。稽舊章而允若。擢升使介。進陟班聯。恩乃究於外家。義無慚於前代。勉思樹立。姑務顯揚。李球可內殿崇班。李玘可內殿承制。制。初某等。內寢之聯。視諸朝秩。外家之貴。體自朕躬。主於拜除。宜在優異。爾等。感苑貴種。仙李真枝。被長君退讓之風。承鄴氏法度之教。咸自脩綜。莫不柔嘉。久從班籍之編。名未稱小侯之立學。宜峻近庭之秩。且光左相之賢。往服寵褒。益思淑慎。孫用可左藏庫副使。王日宣可禮賓副使。王克讓仕守素。毛永保可並內殿承制。制。初具官某等。表護營卒。遵遺業。式過外侮。通為兵官。種歲勞。較軍最。差進茂秩。抑惟邦典。爾等。膺材武之選。有力苟之用。數更委使。見稱擢敬。齋代自列。應書當選。司帶別都。典客近局。或從著定之峻。而承音制之重。率由功次。咸用詔除。尚繫拊循。以底綏靖。任希夷斯。庵集曾煥。秘書丞。李鳴鳳著作佐郎制。三館儲材。均為清臚。六卿設屬。式重列曹。已試有聞。次遷惟允。爾煥優于文學。久服周行。爾鳴鳳對有詞華。嘗冠而

選或承圖書之府或躋著作之庭兼假郎闕采昌賢業其服寵光之渥。魏
高稱塞之圖沈氏三先生集內殿承制唐詵等並可供備庫副使內殿崇
班張宗納等並可內殿承制。初某等天下又安方外無警而兵之不試
者久矣材武之臣寧復有非常之功而敢希不次之賞乎然方鎮存也戍
邊圉有徵候拊字講輯譏察誰何之勞亦不可遺也爾等並以勇選而領
軍事按籍以遷或或諸使或承制二日皆曰顯爵其往祗服益圖祈報可
蘇魏公集皇城使向寶可貴州刺史依舊皇城使內殿崇班閻門祗候段
充可內殿承制依舊制。初其官某等夫將祿班等所以待有勞之臣
勞而不圖何以示勸爾等或以精悍之質禦于疆惟之衝能嚴種酋稟信
威令攬元臣之列削述成效以良多爰嘉乃勤遞增爾秩或視專城之守
或承內著之繼俾以寵名益重邊圉並為邊異之典更佇撫綏之謀可
左藏庫副使曹繼明可供備庫使西京左藏庫使雅規可文思使內殿崇
班閻門祗候王文郁可內殿承制依舊閻門祗候內殿崇班韓見素可內
殿承制制。初其官某夫法者久而不遺則才過同滯進而以其效則
流品弗甄今有司所以限年而校功循階而進秩者繇此道也爾以材武
權于治朝內外煩使之勞訖無曠事歲月荐更之比已應陟書稍陞等於

官職且嗜庸於伐閭往承恩渥無怠後勤可宋元憲公集殿中丞知單州
碭山縣王文美可國子博士太子中舍知真定府馮日宣可殿中丞制
初其官王文美等國家多出中朝臣以率百里蓋欲寵厥任而惠綏吾民
政苟有成實不淹譽既以勸善亦俾久官惟爾等崇名儒家效智公局日
以謹飭蹈于廉隅修方累勞遂列閭籍比荷臺詔出撫縣封並能審諭教
條緝伏愁歎灼有善狀列在徵司因其大比之辰且先即授之寵經厚膺
省分以命之益勸乃誠毋替來譽可。殿中丞新差知溫州平陽縣楊中
和可太常博士太子中舍張子元可殿中丞制。初其官楊中和等夫考
課之法所以明淑慝而叙功次也叙厥群吏存于鼻章以爾等並服朝紳
荐更歲蕃或經明有法克邵素猷或問調累勞願書善狀爵茲大較咸用
序遷議禮曲臺分曹膺省各祗寵渙無替令名可。河東路轉運使尚書
兵部員外郎陳瑛可尚書工部郎中殿中丞通判興元府李公謀可國子
博士太子中允直集賢院知鄭州呂公綽可太常丞太子中舍知明州奉
化縣陳世長可殿中丞制。初其官陳瑛等夫各部郎曹曾廷師職客委
之卿屬省省之監撫並為華陪以叙能吏惟爾等懿文典學完行幹材或
將漕使輅或剖符案郡或俾承於州事或撫輯於縣封並賞歲成克獻朝

永樂大典

卷一三四九八

賞宜就增於榮級且究懋於乃勞成命固私余訓無忽可 尚書虞部員
外郎通判益州楚經可尚書比部員外郎太常博士知越州蕭山縣王簡
可尚書屯田員外郎殿中丞前知封州劉直溫可國子博士太子中舍知
漢州綿竹縣趙壹可殿中丞制 勅具官楚經等尚書曹有比巧掌屯之
員中朝臣有師庠盾省之屬各著官簿以陟吏資惟爾等智效事經籍引
朝故或勤於外補方贊郡條或績乃舊勞累先縣譜並齋聞來上質歲有
周宜序美資文獎成績毋或懈位以忝懋切可 尚書比部員外郎提舉
兗州仙源縣景靈宮是邁可尚書駕部員外郎國子博士通判南安軍徐
紹齡可尚書虞部員外郎殿中丞集賢校理知復州王琪可太常博士太
子中舍知鬱林州查冲之可殿中丞制 勅具官是邁等課功之黜陟視
勞之殿最我有彝法付之攸司以爾等早服任階進班朝次或華顯郎署
或頌弁經庠或文雅游書林或廉端備儲來並緣外補參積歲勤然方奉
真祠倖軍壘守支部撫遐陬宜即官成序進恩等今以駕曹虞務應野盾
省之屬以命之其各無忽可夏文莊公集利州路轉運使工部郎中呂言
可刑部郎中餘如故殿中丞同判鄧州朱正基殿中丞知華州華陰縣事
楊政化並可國子博士餘如故太子中舍越州餘姚縣事韋覺可殿中丞

餘如故制 勅國家引一代之材布四方之政省錄勤吏日簡朕懷以爾
某等性蹈謙雍治中寬猛往監司於郡國或撫養於黎蒸咸能首公克辰
成績建禮司刑之重東庠講學之榮洎中御之屬丞皆上臺之清舉第勞
而授惟政是繫無替厥官以忝予命可 都官郎中知邢州嚴穎可職方
郎中餘如故荆湖南路轉運使職方員外郎康孝基可祠部郎中餘如故
太常丞同判福州王漬可太常博士餘如故太子中舍知鄆州平陰縣事
陳保和可殿中丞餘如故制 勅國家尊右文治重愛生民以臺省之要
官釐郡國之衆務疾非甄善唯恐後焉以爾其官某等心識甚明材用尤
備考其官闕各有事功宜舉成科並增顯秩爾其除煩就約徇公咸私勉
繼前修無替朕命可 祠部郎中知宣州江嗣宗可度支部中餘如故屯
田郎中知臨江軍能同文可都官郎中餘如故太常博士知岳州張鎮可
屯田員外郎餘如故國子博士知榮州趙翰可虞部員外郎餘如故殿中
丞知富順監朱良治可國子博士餘如故太子中舍同判眉州文可觀可
殿中丞餘如故制 勅郡國朝廷之屏翰牧守生民之父母教化所自選
授至艱勞之不圖吏將安勸以爾其官某等踐履方格文劄詳明或處干
里之師或威諸侯之治爰考官闕率如風謠宜即所居第進榮秩夫清約

永樂大典

卷一三四九八

可以行也寬厚可以安人勉違前良無替朕命可 金部郎中知洛州李
 文著可司勳郎中餘如故太常博士同判蘇州李意可也田負外郎餘如
 故殿中丞同判汾州馬振可太常博士餘如故殿中丞同判福州甄化基
 可國子博士餘如故太子洗馬知汝州襄城縣事乘允恭可殿中丞餘如
 故制 勅朕懋建郡吏分幹中區賞以及勞爵以存德以簡等矩度修繁
 文禮精詳考閱閭之所更訖無廢廢量功次而差授並用既陞勉圖後惠
 以永終譽可 太子中允知榮州公孫儀可太常丞餘依舊制 勅某等
 竭慮首公勤心幹裕有司較其課最宰府詳其閭閻名在資格朝命是行
 或引藉曲臺或發長中御各欽茂渥更勵乃誠可 秘書丞同判延州劉
 訥可太常博士餘如故太子中舍知揚州天長縣事徐善寶可殿中丞餘
 如故殿中丞楚繼芳可國子博士權御史臺推直官殿中丞戴融可太常
 博士餘如故著作佐郎充北宅諸院教授王式可秘書丞餘如故制 勅
 具官某等或詳曉政經或兼該學術服勤官次第課可嘉進秩朝闈寵章
 斯允更圖來勅以答茂恩可 大理評事唐均可衛尉寺丞餘如故制
 勅具官某等夙承勳緒久踐仕塗吏課有成朝賞斯舉震維引籍寔擬於
 上臺周衛陞榮最親於中某勉服休寵無忘厥官可 唐南東路轉運使

永樂大典卷一三四九八

三

司封負外郎李適可工部郎中職方負外郎知鄂州高慎交可也田郎中
 秘書丞知岳州臨湘縣事張惟謬可太常博士秘書丞知洪州豐城縣事
 孟虛舟可太常博士太子中舍知信州上饒縣事賈守文可殿中丞太子
 中舍同判信州張同文可殿中丞殿中丞知白州劉宗諒可國子博士大
 理寺丞知宣州宣城縣事查慶之可太子中舍衛尉寺丞知湖州烏程縣
 事方仲弓可大理寺丞制 勅國家敦厚治本重惜生民以臺省要官長
 州縣衆職復東良偽式備監司勤之可圖寵爾殊等具官某等志尚清約
 事任頗繁往幹漕輓之權或分守宰之寄風謠載譽善最有關並書厥勞
 第增乃秩超遵寬大之詔稱茲褒異之恩思齊古人以永休譽可 殿中
 丞田慶餘譚雅並可國子博士太子中舍畢從善可殿中丞太常博士同
 判揚州吳待問可也田負外郎餘如故太子中舍知汾州平遙縣事李永
 世可殿中丞餘如故衛尉寺丞知淄州淄川縣事李庭堅衛尉寺丞監溫
 州前倉鎮茶鹽酒稅務向約並可大理寺丞餘如故制 勅以祿詔爵以
 德懋官順考舊章無尚於此以爾具官某等政體勤曉風行潔清宜錄乃
 勳逸增爾秩式旌謀最昭勸官師服此朝榮更當自竭可 胡文恭公集田
 化愚可虞部負外郎鄭偕可太常博士張當可殿中丞制 勅具官某等

夫守宰為任最親斯民政成有咸宜時吾賞以爾等或任緣鄉物或進籍
 世資跡官次之累勤自朝聯而進序劔外班政迹著不可察內字從文稱
 無害並用平勤之茂合于功懋之科升領澤慶典司儀統至于膺省之負
 並為朝統之華就祇臺息尚圖官治 薛仲簡可也田貞外郎蔣秘卜仲
 可並太常博士馬仲旦可殿中丞制 初朕考內外吏職并計見效累優
 以成陟惠賞以中信故功懋者進而節廉者起具官其等或奮從造考或
 陰自官華並服王官之箴成從朝著之後更試政事參訪行能或典守列
 城流豈弟之化或長治劇邑宣愛利之風條上平庸申校吏迹在狀甚白
 於法宜遷超致右曹實墜屯戶口之掌稍遷禮閣有贊導來與之榮至於
 省省之聯並號朝閣之美往祇渥茂勿廢操脩 丁宗臣可太常博士丁
 寶臣可太常丞制 初具官其等國家試功之典參任以職考課之法質
 成於間用既美效亦存至勸以爾宗臣吏資強敏器質莊重以爾寶臣文
 典而蔚才敏且精是惟天倫並入吾教所試有迹厥脩弗愆或鳴絃以字
 人或剖符而守境並時上計據法得遷入丞樂卿進字儀範悉號朝閣之
 美足為家閥之榮就服寵褒益思勉勵 路綸可虞部員外郎汲熙載可
 太常博士裴見素可國子博士馬璟可衛尉寺丞制 初某等資興以文

永樂奏卷萬三千四百九十八

二十三

入豫吾設或公家學之進亦資世賞之延檢服吏能分從官使關掌郡侯
 參布縣條領算商車通著最日有司覆實彙格應運司訓虞典野最至於
 經序之選均為朝品之華當思力公勿為官忝郡節漢集太子中允集
 賢校理趙彥若可太常丞依前職制 金馬石渠是為蓬山藏室彈見洽
 聞之士於此而登公相者班班而出以爾之博學強記守之以醇固沈酣
 乎書林蓋已久矣丞丞承常茲為次補博風而翔則在爾之所勉焉可宋
 景文公集感舜元可比部員外郎陸仲息可國子博士王達吉郭永祚並
 可殿中丞李從夏侯錫並可秘書丞制 初感舜元等三歲之限天道小
 成朕課吏勞稽法於此以爾等文敏強濟業於官下經營致力謹我詔條
 事無廢惰文不諉上年比如今朝次遞遷省闈屏戶若茲省尚資踐有等
 褒進則同各仍前往益昭來譽可唐元積長慶集素重先推州刺史李踐
 方大理寺丞制 初盧國郡貫平是江帶印峽關西南蠻經畧之地也大
 理寺寺獄犴視刑書我國家生人之司命也任非其才為患不細前郡坊
 丹廷等州觀察判官侍御史內供奉賜緋魚袋素重先佐觀風於郡時聞
 有能名前湖南團練判官兼監察御史李踐方恭練卒於湘中號為某立
 宜當慈惠之選且盡哀敬之心姑務勝殘無或枉撓佇爾布政叶于好生

重光可使持節推州刺史散官勳賜如故踐方可大理寺丞宋元憲公集
十二考人前權建雄軍節度推官張行成可著作佐郎奉舉人前南安軍
錄事參軍慎光可大理寺丞制 勅具官張行成等國朝考吏雖黃綬一
命皆責在銓審而覆于殿庭矧厥累勞固用稽實以爾等丞參調補成寡
悔尤或年老應於赦條或保任列於公牘宜從信賞予以懋官私省卿曹
各備其屬可 十二考人前權保康軍節度推官田頌可著作佐郎奉舉
人前陳州司理參軍孫准可大理寺丞制 勅具官田頌等聞者詔書以
吏久不遷始限考法才而可任參責舉知蓋因古任人非可以一故也惟
爾等或從事戎幕或訊獄輔州平勦應條薦狀符格覆自銓啓愜于余求
省屬卿丞各服榮序可 前權清海軍節度掌書記林杞可著作佐郎前
明州錄事參軍錢訪可大理寺丞制 勅具官林杞等或士類美材或王
門遺緒並宏官牒久服銓流杞以作記之工載華戎府訪以督郵之數流
聲藩極薦能累積鈎課如書達丘佐負棘路分來各踐榮次無忝爾知可
大理寺丞通判邕州鄭史可太子中舍衛尉寺丞知益州成都縣王景
良可大理寺丞制 勅具官鄭史等補吏有資施政惟敏比緣卿屬之選
分任遠州之選或協贊守條或懋成軍課並緣歲滿宜獎職勞儲案通聞

永樂彙纂卷萬三千四百九十八

二十四

法丞署局各祇榮次尚績未動可 十二考人興元府觀察使張肅可
著作佐郎奉舉人前真州錄事參軍張孝友可大理寺丞制 勅具官張
肅等載名銓符展體官次或序才累積委公車之封或結課周星無社陵
之殿並列在奏籍應于賞料蘭臺佐郎棘位丞屬勉服並命思稱樞官可
十二考人前益州節度判官尚頌可殿中丞奉舉人前權筠州軍事推
官林高可著作佐郎前真定府錄事參軍張立可大理寺丞制 勅具官
尚頌等夫中御之丞列朝品著書之佐參任考司刑之屬選吏文階敘材
之榮塗勸勞之優秩以爾等咸有成績調于中銓或年考寔深或保任狎
至實諸功狀符厥賞料宜並命於華聯俾陳力於來效可宋沈氏三先生
集奉舉人前真定錄事參軍李及可著作佐郎奉舉人前青州錄事參軍
趙億可大理寺丞制 勅具官州縣之吏以千數吾未始一登進於前而
辨其賢不肖也故命有司考其推薦之多者參質其殿取以聞朕則親臨
而擢之夫豈不重且慎哉今汝等其選也或屬廷尉或佐東觀往悉乃心
以服乃事毋俾有壞以負我重且慎之意可 奉舉人前同州郃陽縣令
張于可著作佐郎奉舉人前權西京留守判官張宗說可大理寺丞制
勅具等天下士大夫達於朝廷者吾既知之矣彼州縣之吏勅以千數早

且達矣朕亦何從而辨之乎故設為薦任之法而取之一有污敗刑該無
赦然則薦而任之者亦已難哉今權爾于東觀宗說廷尉廷列于王官其
往抵飭保爾一節毋辱于已知毋背我官訓可蘇魏公集前權知雲安軍
判官馮越石前華州下都縣令張果之可並著作佐郎集慶軍節度推官
前知磁州文城縣彭天麟可大理寺丞制 勅具官某等士之由選調而
陞京司者如用外官之保任如復有司之視成最狀上聞便廷臨引皆相
其質敦納以言然後命之良亦艱矣惟爾閱之茂成應斯格有如辭章
之美並由科級而仕擢以臺秩俾為王官漸階通顯之途益慎進趨之守
可周益公大全集右朝奉郎陳唐弼主管官告院虞似良並除大理寺丞
主管右治獄制 勅具官陳唐弼等唐虞之時畫衣冠而民不犯然猶有
欽恤之戒况於後世何敢非刑爾唐弼彊明不私爾似良脩潔自好或賜
對便生或拔尤周行並丞士師時乃簡擢惟良折獄尚忱念哉可依前件
鄭起潛立庵集朝奉郎趙崇燾除大理寺正朝請大夫趙師呂除大理寺
丞制 朕承列聖仁厚之餘於刑尤謹乃者勒銘以儆有位廷尉天下之
平也其事重故其建官視他司為詳爾崇燾明習文法三入李廷宜為正
爾師呂詳練民事權隸或監宜為丞欽哉協佐而長求惟厥中以稱朕謹

永樂彙卷之三十四九六

三五

刑之訓胡文恭公集魚周物王鄰且可並殿中丞周端李格可並太子中
舍崔宗旦可大理寺丞制 勅某等官令著最臺實有格泛取三期之效
傳勸庶工之進爾等或得諸髦彥或奮自經術鼎錄任吏之法權以謙丞
之名蒸盛府之元僚宰象雷之大邑咸著善狀悉上計書鈎考信然褒進
為允殿局之尚參掌名物官僚之貳通受令旨乃自法卿之屬並為官制
之華往服茂恩益圖來績 前石州方山縣令王佐可著作佐郎前泗州
盱眙縣令吳天常睦州司法參軍前監温州在城商稅務傳燮可並大理
寺丞制 勅具官某等火從掾令之職咸有幹廉之稱使者交章彼司覆
實言爾最狀甫應迂科朕親御便廷皆相其質可以才使因而敘遷進為
上臺之聯益思良吏之守可 陸絳可著作佐郎張靖肅亮可並大理寺
丞制 勅具官某等邑大夫司百里之命郡督郵兼一州之綱二者之任
則均三人行各異以爾絳名有幹尚得諸才苑舉將為多治縣有述以
爾靖通法家之學以爾亮本經術之明吏資並深官簿無缺終更赴集鈎
考應書來丞理官用信吾嘗有以自效勿替厥修 郭評可太子中舍李
偉可大理寺丞制 勅某春坊允僚比東臺之封駁秋卿丞屬佐廷尉之
讞疑或顯用才流或參選吏幹以爾等修辭入第豫軍從事之招治禮持

永樂大典

卷一三四九八

科歷郡决漕之任。外章文滿滿課終更質諸銓條均有治狀宜寵承華之
 秩往司李法之書。彌勵來勳勿更前守。晏唐可殿中丞。王登王康王允
 並可太子中舍。王獻臣可大理寺丞制。初某等或出曲璠之家。而材質
 自美。或佩滿籛之詩。而術學素優。踐王官之華。亦從吏職之試。剖盤根
 而輒解。甘管食以自清。驛上計文臺中。考法稍違中尚之局。進豫東禁之
 僚。並通朝閣。亦丞卿。或在修教。勿忝褒升。陳元可著作佐郎。邢裕可
 大理寺丞制。初具官某等。漢之法。有最課而得遺晉之令。坐優舉而乃
 陟國家。闕薦任之例。委監司之官。推敏則精。才否尤辨。爾等或用材質之
 美。揚于王庭。或以經藝之優。摩我人爵。佩絲銅墨。為郡紀綱。治有愛利之
 風。官無通曠之事。需章雜薦。選部修聞。領著秘丘。决平讞寺。並為盤陸之
 漸。勿忘風矩之修。周約可著作佐郎。郭灝可大理寺丞制。初具官某
 等。同升茂士。分踐俊科。比公牒以肆勳。識治庖之效。智樹風。達邑緯務。要
 津。政條以修。局事無壅。監司之薦。應法銓審之較。中科入著秘局。連丞繼
 寺。並居美秩。咸服茂恩。孫諮可著作佐郎。王師旦。王震。可並大理寺丞
 夏侯維。可衛尉寺丞。朱彭。可大理寺丞制。初國家著定考法。差進銓派
 壹責監司之官。參稽保任之法。省審既正。違陟乃宜。以爾等或州舉升科

永樂大典卷一三四九八

三六

或世資。補史。除軍從事。為郡决費。領并商車。典臨若局。職修探舉。行敏節
 廉。按察之薦。條聞鈞校之司。覆實。書省有佐。卿屬置丞。並從臺格之遺。益
 度朝寵之茂。無易而守。更效其來。楚泰可大理寺丞。依舊直講制。初
 具官某。朕選通經義。誦說有法者。勸導曾于。爾本學力自致。俊等。辨因祭
 酒之薦。置在詳講之負。通致外勞。亦已久次。雖中坐細故。而見稱大臣。參
 閱薦章。足驗素行。姑龍法卿之屬。仍敦學省之經。尚圖後行。毋倦忠訓。宋
 洪平齋集。葛達除著作郎。劉炳。除司農寺丞制。初具官某等。漢良二千
 石。必選君。渤海入為水衡都尉。潁川入為太子太傅左馮翊。入為大鴻臚。
 美意猶在也。爾達脩潔。而寬厚守嚴。能使其民咸樂於有生。承明有庭。進
 為之長。爾炳。詳明。而通敏守微。能與其民相安於無事。司均有丞。俾還其
 舊。文學政事之科。雖異。表屬藩輔之意。則同。或汗竹之搗。華或治粟之贊。
 計各據素韞。用對殊獎。可。趙蕤。除大理寺丞。陶木。司農寺丞。趙崇。出太
 府寺丞。姚珪。國子監丞。賈似道。軍器監丞制。初具官某等。漢宣帝。屬精
 求治。綜核名實。以練群臣。然陟有序。東職修理。上下無苟。且之意。迄濟中
 興。朕甚慕之。爾蕤。世業之華。器能精敏。爾木。儒林之望。議論聖明。爾崇。出
 公族之考。材諳通暢。爾珪。决科之薦。講習有源。爾似道。克家之美。趣尚不

尚廷尉大農太府有丞。曾監戎監亦有丞。往為我分治之。丞者承也。所以承輔其長使無曠職也。政事文學法理之士。雖自今咸稱厥職。則予以博可。權知信州史。竊志除將作監丞制。初具官某上。既聞于江浙。頃博卒。執紀律以駭吾民。翦其萌可。緩于爾優於慮變。勇於討惡。尸二渠于市。而群姦之魄。褫千里底定。朕甚材之。召丞。匠監用。程爾能。繕修務簡。益培雅望可。太社令李。婦顏。除大理司直制。初具官某。三尺法。枉於舞文。吏之手。朕甚憫焉。必得古之遺直。而後可為邦之司直。爾詞藻有華。業履有度。所居官。惟法守是謹。以是議法於廷。尉不撓不折。不借不濫。而王道行。皇極立矣。枉已未有能直人。則孟軻之戒可。趙琳除大理寺丞。諸葛十朋除大理寺司直制。初具官某。等。獄重事也。鍛鍊以為巧。播擻以為察。析律以為密。深文以為公。而民命近止。國脉斷矣。理官其可不選。爾琳器涵渾璞。薰然忠厚。長者之風。罕繩直於國。棘刑不失仁。故就違之丞。爾十朋。步中規矩。藹然悃悃。無華之美。質易直於國。節利不失義。故俾繼琳司律之直。皆以達吾好生之德也。故之哉。惟良折獄可。耶。起潛立庵集。集朝請郎直寶章閣。主管建康府崇禧觀。鄒仲之。除大理寺丞。朝奉大夫。提舉福建市舶。劉克遜。除太府寺丞。承議郎。行軍器監主簿。章端子。除司農寺丞。

永樂彙纂卷之四十九

二十七

制。廷尉刑獄之平。大農天倉之總。太府貢賦之貳。皆號制繁。丞實贊之。爾仲之。詳練世故。宜贊廷尉。爾端子。明習吏事。宜贊大農。爾克遜。敦歷外庸。宜贊太府。為官擇人。各佐而長。以審輕重。以稽委積。以謹出納。丞哉。錢穀刑獄之政。舉矣。汝不負承朕有明。陟劉彭城。集前河北提刑。王端可。將作少監。新差通判瀛州。李敷。順可。軍器監丞制。初具官某。等。百工之事。萃於二監。將作謹於樸斲。軍器嚴於補繕。非有程不可以稽其勦。鑿非精心不可見其功。監命官之重。從可知矣。以某。刻舉時。當以某。會計明。審惟其有餘。允宜繁使。或丞或貳。寔皆寵命。勉力自強。以副推擇。可。汪藻。淳漢集。依宗臣大理寺丞。孔仲原。大理司直制。奉陶為大李。漢法罪人必正于理。豈不以獄者人之司命。固不可苟哉。今爾等有職於其間。蓋朝廷遴選也。其思欽慎。以對寵休。林光朝。艾軒集。俞灑。除大理丞。徐存。除大理丞。王夢若。除大理司直制。其官某。等。廷尉之屬。所繫為不輕。惟原平近。厚者則其所予。奪無或差。矣。爾激。貫穿諸律於獄之成。則聽之。爾存。練習古義於獄之疑。則折之。爾夢若。數隨漢使。不避勞苦。人情法意。何啻相達。爾其念哉。爾惟。胥訓告。胥保忠。各以其職。舉則無負朕同日命。爾之意。可任。希夷。斯庵集。費挺。大理正。趙懋。夫。大理丞。表萬頃。大理司直制。正丞

司直皆理官也朕敢于刑非明審者不使之典治爾從爾舉夫中外吏選已
試有聞爾萬頃志行安恬不移所守或遊陞於厥次或特優於汝遺雖一
時訟繁之不煩而四方奏讞之類上精加閱實尚克勉哉宋元憲公集大
理寺丞知蘇州長州縣薛糾監杭州糧料院杜植並可太子中舍光祿寺
丞通判海州石延年可大理評事監徐州鹽稅務王諤可光祿寺丞監霸
州鹽酒稅馬湜監穎州酒稅李熙政並可衛尉寺丞簽署鄭州節判官廩
公事王政路可將作監丞太常寺奉禮郎監開封府陳留縣鹽稅務是仲
紘可大理評事制 勅其官薛糾等曹緒之良材敏從政率階京署參服
吏文或化協郡條或最閭縣普或慕壽甚婉或尚利載登並稽三歲之庸
宜陞一等之秩 諸寮卿案各楨乃官可夏文莊公集太常寺奉禮郎監濱
州鹽酒稅務陳崇德可大理評事餘依舊制 勅某等素擅藝文早藉勲
蔭並登仕路各著吏能勤勞有成考較惟允第加寵擢用示陟明勉楨厥
官以永休譽可胡文恭公集武康可太常博士裴耕馬先張應符申屠會
可並殿中丞史珍薛端可並守太子中舍李異可大理評事制 勅其官
某等朕日者右饗合宮咸澤庶位並甄一等之秩用洽三神之和爾等類
皆曲息差違茂級而滿課已上於考格當遷吏勞不可以外遺王澤當令

永樂大典卷一萬三千四百九十八

文

於下究並申後寵匪隔前恩往承朝紳之華勿替王官之守 張師中可
太常博士游奎可秘書丞陳知德可大理評事制 勅朕用閭咸之比計
吏治之脩雖官有大小之差而法無內外之異所以均朝賞壹臺制也以
爾師中材資粹美風業脩舉以爾奎南土之秀以爾知德舊門之良懿朕
朝聯升豫京局中幹事職外握縣條來上勤庸參應褒典西京重於博
士江左美於王官至於詳讞之聯並為進陞之美欽祇無忽褒勸在茲

永樂大典卷之一萬三千四百九十八